

## Missiliuusiaq

### KANUKOKA-mi siulersuisut suleriaasissaannik aalajangersakkat

Kattuffiup siulersuisuisa, takuuk malittarisassani § xx naapertorlugu suleriaasissaq imaattoq aalajangersarpaat:

#### § 1. Ieqquusumik ataatsimiinnerit

Siulersuisut qaqugukkut aamma sumi ataatsimiinnissat siulersuisut aalajangersartassavaat. Ukiu-moortumik ataatsimiinnissanut pilersaarut suliarineqartassaaq.

*Imm. 2.* Ataatsimiinnissanut pilersaarutip suliarineqarneranut atatillugu aalajangersarneqartassaaq ataatsimiinnerit naapilluni ataatsimiinnerussanersut, telefonikkut imaluunniit video atorlugu ataatsimiinnerussanersut. Ataatsimiinnissanut pilersaarummi aamma nalunaarsorneqarsinnaapput immikkut sammisat suut ukiumi aggersumi suliarineqartussatut kissaatigineqarnerisut.

#### § 2. Immikkut ittumik ataatsimiinnerit

Siulersuisut immikkut ittumik ataatsimiittassapput siulittaasup imaluunniit siulersuisuni ilaasortat pingasut tamanna kissaatigippassuk. Tamatumalu saniatigut kukkunerisuisut siulersuisut ataatsimiinnissaannik kissaateqarsinnaapput.

*Imm. 2.* Ataatsimiinnissaq immikkoortoq 1-imi inunnit kingulliullugit taaneqartunit arlariinniit kissaatigineqarsimappat, ataatsimiinneq kingusinnerpaamik kissaateqarnermit ullut 14-it qaangiutsin-nagit ingerlanneqassaaq.

#### § 3. Ataatsimiigiaqqusinerit, ullormut oqaluuserisassat il.il.

Siulittaasup siulersuisut ataatsimiigiaqqusassavai minnerpaamik sapaatip-akunneranik ataatsimik sioqqutsisumik nalunaaruteqarluni. Pisariaqartunilli suliassaqtillugu ataatsimiigiaqqusinerimut piffissaliussaq sivikinnerusinnaavoq.

*Imm. 2.* Ataatsimiigiaqqusissummut ilanngullugu ullormut oqaluuserisassat allassimaffiat kiisalu sapinngisamik aamma ataatsimiinnermi oqaluuserisassanut ataasiakkaanut atortussat ilanngullugit nassiunneqartassapput.

*Imm. 3.* Siulersuisut ataatsimiinnerminni aalajangiussinnaavaat ullormut oqaluuserisassani allasimasut saniatigut suliassanik allanik aamma oqaluuserisaqarnissaq, suliassat taakkua tuaviornartuup-pata imaluunniit nalornissutaanngippata.

#### **§ 4. Email-ikkut tusarniaanerit**

Siulittaasup tamanna pisariaqartutut nalilerpagu suliassat tuaviortut immikkut ittutigut email-ikkut tusarniaassutigalugit siulersuisuni ilaasortanut ingerlatinneqarsinnaapput.

#### **§ 5. Aalajangiisinnaassuseqarneq**

Siulersuisut aalajangiisinnaassuseqassapput minnerpaamik ilaasortat arfineq-marluk najuuppata.

*Imm. 2.* Inatsisini aalajangersarneqarsimagaangat KANUKOKA kommunit sinnerlugit pisortanut allanut, peqatigiiffinnut, kattuffinnut il.il. isumaqatigiissuteqarsinnaasoq, siulersuisut pisinnaati-taapput pituttuiffiusumik kommunit sinnerlugit isumaqatigiissuteqarnissamut.

Siulersuisut siuliani pineqartutut isumaqatigiissuteqarnissat sioqqullugit aalajangeri sapinngi-samik paaseqatigiiffiusumik isumaqatigiilluni pisassapput. Qaqutigoortumilli tamatuma ajornar-fiatigut immikkut ittumik aalajangiinerit taamaattut amerlanerussuteqarnikkut pisassapput.

*Imm. 3.* Aalajangerit imm. 2-up avataaniittut allat tamarmik paaseqatigiilluni isumaqatigiinnik-kut pisassapput. Suliani aalajangersimasuni paaseqatigiinnikkut isumaqatigiilluni aalajangiisoqar-sinnaatinnagu kommunini ilaasortaasuni kommunalbestyrelsinut suliassanngortitsisoqartassaaq. Suliamillu ingerlatsineq taanna kommunalbestyrelsimi kommunalbestyrelsiniluunniit arlaqartuni assigiinngitsunik isummorsorfiuppat, taava suliamut tassunga tunngatillugu KANUKOKA-p suliassaqarfiisa iluani aalajangiisoqarsinnaassanngilaq.

#### **§ 6. Aalajangeeqataasinnaassuseqarneq/-nginneq**

Aqutsinermut inatsimmi aalajangeeqataasinnaassusermut tunngasumik aalajangersakkat siulersui-sunut atuupput, taamattumillu ilaasortaq maleruagassat taakkua naapertorlugit aalajangeeqataasin-nanngitsoq sulianik taamaattunik aalajangersaanerni peqataasinnaanngilaq.

*Imm. 2.* Siulersuisunut ilaasortap siulittaasoq ilisimatissavaa pissutissaqarpat ilaasortap aalajangee-qataasinnaassusianut nalornissutaasinnaasunik.

#### **§ 7. Ataatsimiinnerit matoqqasut**

Siulersuisut ataatsimiinneri tamanut ammasuunngillat.

## **§ 8. Ullormut oqaluuserisassat aalajangiinernullu imaqarniliat tamanut saqqummiunneqartarneri il.il.**

Siulersuisut ataatsimiinnissaanni ullormut oqaluuserisassat allassimaffiat kiisalu aalajangiinernut imaqarniliaq kattuffiup nittartagaani tamanut takusassiarineqartassapput. Tamatuma saniatigut siulersuisut ataatsimiinnerannut atasumik paasissutissat naleqquttut nittartakkami tamanut takusassiarineqarsinnaapput.

## **§ 9. Ataatsimiinnermik aqutsineq**

Siulittaasup siulersuisut ataatsimiinneri aquttarpai, siulersuisunilu ilaasortat sinneri ilisimatittasallugit kingullermik ataatsimiinnerup kingorna pisimasunut tunngatillugu, tamatumani aamma pissutsinut kattuffimmut tunngasumik pingaaruteqartunut.

*Imm. 2.* Siulersuisut aalajangerneri, siulittaasumit eqikkarneqartartut, aalajangikkanik imaqarniliamut nalunaarsorneqartassapput, ataatsimiinnerillu kingorna siulersuisuni ilaasortanit ataatsimiinnermi peqataasunit atsiorneqartassallutik.

*Imm. 3.* Ilaasortap kialuunniit allaasumik isumaqaruni piumasarisinnaavaa isummani allattaavinnut allanneqassasoq, aalajangiinernut § 5, imm. 2 naapertorlugu pisunut tunngatillugu.

*Imm. 4.* Imaqarniliami allanneqassaaq ilaasortat kikkut ullormut oqaluuserisassat ataasiakkaat suliarineqarneranni peqataanersut, ilaasortallu sorliit aalajangeeqataanersut.

*Imm. 5.* Imaqarniliaq nassiunneqartoq paasissutissanik isertuussassanik imaqassanngilaq, tamatumani aamma inunnut ataasiakkaanut tunngasunik, taamalu tamanut takusassiarineqarsinnaanngitsunik.

## **§ 10. Siulittaasup sulinera**

Siulittaasup kattuffimmi suliassa qarfinnik ulluinnarni aqutsineq isumagisassaraa, siulersuisunit aamma kommunalbestyrelsinit aalajangikkat ataqqillugit. Siulittaasoq taamaalilluni sutigut tamatigut siulersuisut aamma kommunalbestyrelsit aalajangigaannik tunngavilimmik ingerlatsisussaavoq, siulersuisullu sinnerlugit nammineerluni aalajangiisinnaanermut pisinnaatitaaffeqarani, tamatumani aamma suliani tuaviortuni, siulersuisut siulittaasumut immikkut tamatumunnga pisussaaffiliisimangippata.

Siulittaasup akisussaaffigaa siulersuisunit aalajangiunneqartut suliarineqartinnissaat.

Siulittaasup ulluinnarni kattuffiup aqunneqarneranut tunngasuni sulinissani nammineerluni aqqissuuttassavaa.

### **§ 11. Oqaatsit**

Siulersuisut ataatsimiinnerini atortussat suliarineqartassapput sapinngisamik kalaallisut qallunaatullu.

### **§ 12. Kattuffiup nammineq iluani**

Siulersuisut aalajangiinerisa allaffeqarfimmut ingerlateqqinnissaat siulittaasup isumagissavaa direktøri aqutigalugu.

### **§ 13. Nipangiussisussaataaneq**

Siulersuisuni ilaasortat ataasiakkaat paasissutissat isertuussassat siulersuisuni ilaasortatut sulinermi pissarsiarineqarsimasut susassaqqanngitsunut ingerlateqqittassanngilaat.

Taamaalillugit akuersissutigineqarput siulersuisut ataatsimiinneranni ulloq xxxx.